DOVBLE DE

LA LETTRE

ESCRITTE PAR

Prince de Condé, fuiuant le vray original.

A LA REYNE

Regente mere du Roy, le 19. Feurier mil six cens quatorze.

A PARIS,

Chez Iean de Bordeaux, & Iean Millot, au Palais. Cool F 39 326

A PARIS

walling the track of the contract of the contr

ebeddadaebed

LETTRE DE MONSEIGNEVR

LEPRINCE,

ADAME,

Toute mon affection a tousiours esté le service du Roy: & bien de cest estat. Le l'aydu viuant du seu Roy tesmoigné par mo absence necessitée (& depuis sa mort) par mon prompt retour prest de la Majesté, cellant les desplaisirs

que i'ay receus des desordres que l'on a veus assez frequents pour empescher les mouuemens desquels eust peu naistre la guerre que i'ay estimée si dagereu se&nuisible à la minorité du Roy, Moseigneur: que l'ay creu tous autres maux plus tollerables. Si bien que par la grace de Dieu, vostre boté; & ma patiece nous sommes en la quatriesme année de la minorité du Roy, dans laquelle nous recognoissons l'accroissement de si grandes confusions & pernicieux desordres, que vostre susdicte bonté & nostre parience ne seroit assez forte pour empescher la ruine & bouleuersement de cest estat : prolongée insques icy par des foibles & honteux remedes, s'il n'y estoit vertueusemet & prudemmet pourque par l'aduis de plusieurs Princes Seigneurs Ecclesiasticques, Officiers de la Couronne, & cours Souyeraines.

Nous supplions treshumblement vostre Majesté

d'y pouruoir de remedes salutaires, à l'acquict du deuoir à quoy & vous, & nous sommes obligez, à Dieu, au Roy, & àla France. Supplication tres iu. ste que nous eussions faite nous mesmes deuant yostre Majesté, n'eust esté que nous la voyons entournée & preoccupée de peu de gens qui veulent regner dedans la confusion, seule cause de nostre depart, & non vostre Majesté, de laquelle sçauons les louables intentions de tant plus remarquables que la verité vous a esté celée par ceux qui n'ont iustification que d'auoir maintenu vn peu de repos. Dans lequel ils nous ont tramé vn continuel trauail par les confusions prodigalitez, perte d'honneur & de reputation, ou ils ont prostitué tous les ordres de ce Royaume, duquelils auoient mesuré la durée de leur vie, sans se soucier de ce qui aduiendroit apres.Repos non prouenu de leur conduicte, ains des bons François, qui amateurs de paix ont souffert toutes maluersations &charge, plustost que de susciter aucu trouble, non que tous ne vissent qu'ils circonuenoiet vostre Majesté: partissans l'administration de ce florissant Estat entre petit nombre de personnes ayans pour tesmoins de leur foiblesse la perte dela reputation de la France aux pays estrangers, & leurs desseins cachez qui en ce grand Estat qui ne souloit rien craindre, deuoiét estre sceus & ouuerts; du moins aux princes & Officiers de la Courone interessez en l'estat, lesquels ils n'ont rendus participans des affaires qu'autant qu'il leur sébloit necessaire, pour authoriser leurs deliberations apportant leur resolutions de leurs logis au, Cabinet, & n'en faisant iamais conclurre vne

4.230

seule en vostre presence à la pluralité des voix. Mais les conurat du maintient de l'auctorité de vostre Majesté, duquel cabinet ils sortoient pour en dire leurs arrests aux Princes, n'ayans receu leurs aduis que par maniere d'acquiet, tendans à susciter des enuies & divisions entr'eux fauorisans les vns & reculans les autres, faisant deux parties pour en auoir l'vne àleur deuotion. Artifices esprouuez si desastreux aux François, recommencez soudain apresle deceds du feu Roy que Dieu absolue, rejettás les salutaires aduis de feu monsieur de Mayenne, qu'il n'estoit iuste de prositer ou rançonner la minorité de nostre ieune Roy, qu'il ne falloit rien demander & seruir ainsi que nous estions obligez naturellement: Mais au contraire, intercessant plusieurs particuliers pour les auoir à leur deuotion. Ils ietterent l'Estat en des hazards tres-dagereux, cotre toute formes vsitees aux minoritez des Roys, esquelles ont esté toussours assemblez des Estats generaux si necessaires que les Roys les ont conuoquez en leur maioritez pour beaucoup moindres desordres que ceux d'apresent. Pleut à Dieu (Madame) qu'il m'eust cousté partie de mon sang, & que les eussiez assemblez incontinent apres le déceds du Roy, vous fussiez en plus grade & aussi iuste auctorité au gré de l'Eglise, noblesse, & Tiers Estat, la France n'eust perdu ce genereux nom d'Arbitre de la Chrestienté, acquis si glorieusement par le deffunct Roy. Tiltre qui tenoit la balance entre les deux grandes factions de l'Europe, protegeant la tranquillité publique : & ceste perte est d'autant plus grande & deplorable, qu'il semble que nous

foyons sortis du chemin que le feu Roy nous auois tracé. On n'eust pas razéla Citadelle de Bourg contre l'aduis des Princes des officiers de la Couronne, mesme de monsieur le Connestable. On n'eust pas donné quatre cens mil liures, tant pour le razemet que pour recompense d'icelle. On n'eust pas precipitéle mariage du Roy, & de Mesdames ses sœurs, amant que la loy de Dieu, la majorité du Roy & tous les ordres, feussent aprouués. Lesdits mariages eussent esté declarez au public, non par la le-Aure d'vn escript contenant les raisons qu'on au oit eues de les traitier: mais par demander aduis s'ils estoient viiles a faire: Les Parlemens n'enssent esté empeschez en leur libres functios de leurs Charges. Les Gouuernemes des prouinces & places importates n'eussent esté données à personnes indignes & incapables. On eust taschéa reunis les Ecclesia. stiques & la Sorbonne, non à les diuiser & oprimer par vaines disputes en ce temps inutiles. L'auctorité des Prelats & Ecclesiastiques n'eust esté violée, ains maintenue en son entier. On n'eust donnéaucune charge, ny par faueur ny par argent, l'aduis en eust esté demadé aux Princes Pairs & Officiers de la ceurone, pour par vostre Majesté estre apres coferé à gens capables. Les Ambassadeurs n'eussent esté choisis que par le mesme aduis, seurs instructions n'eussent esté incogneuës à tous ceux qui ont in terest au bien de l'Estat : Nulle despetche' n'eust estéreçeüe sans estre veue & leucen presence des dessudits; On n'eust point sonssert les entreprises faice sur la Nauarre, & le Mot-serrat, ny moins eustesté empesché le renouuellement de la Ligue entre

les Venicies, & les Grifons, On n'eust ropu le trai-Cté du Mariage proiecté par le feu Roy auec Monsieur de Sauoye, & depuis sa mort consirmé sans meure deliberation & par vue entiere observation des Edits de ceux de la religion pretendue reformes on leur eust osté tout subiect de plainte: On eust reprimé ceux d'entr'eux, qui eussent passé les limittes de leur deuoir, l'on n'eust semé entr'eux des diuisions, qui leur faisant songer à leur particulier ont failly a ietter le public de l'estat en peril, l'on n'eust doné cet mil escus pour l'achapt d'Amboise, payant de l'argent du Roy les places de sa Majeste, on eust retranché tant de dons immances à personnesindignes cepeu de persones ne se feut attribué, les principales charges de l'Estat, sans l'aduis d'aucun Prince, ny d'Officiers susdits: Ces Estats ou le Conseil vous eussent releuée de tant d'importunitez, se chargeant de l'éuie & vous de benedictions.

Vostre Majesté considerera, s'il luy plaist, les desordres susseil de les suivans, & par iceux ingera
la necessité d'assembler les Estats generaux, seurs
& libre, le chastiment des meschans, & la recompence des bos, le soustien des Monarchies bien or
données perverties, donnent assez à cognoistre le
danger de ce Royaume. Tous les Offices de iudicature, & des finances sont montez à pris excessis, il ne reste plus de recompence pour la versu.
Puis que la faueur, alliance, parenté & argent ont
tout pouvoir, & que les sinances sont de telle façon prosusées que les cent mil pistolles ne coustet
rien, mesmes sont employees en choses de neant, &
à gés qui s'érichissent sas travail du sang du peuple.

Les plaintes, clameurs & larmes destrois Estats, couvent en leur cœur vn feu caché, l'Eglise n'a plus sasplendeur: nul Ecclesiastique n'est plus employé auxambassades; n'y n'a son rang au Conseil, les beneficiers sont surtaxez de charges & vexations inouves la Noblesse appauurie par tailles & impoficions du sel? commissions extraordinaires pour auoir de l'arget, toutes leurs denrées sont douanées, tous leurs tiltres bien que perdus &bruslez, sont recherchez, la Noblesse soustient de la France, terreur des estrangers maistresse de la campaigne. & vaineresse des batailles, qui restablit les Sceptres, & releue les Couronnes, est maintenant taillée, bannie des offices de iudicature & de finances, faute d'argent, leur vie & leurs biens en puissance d'autruy priuée de la paye des hommes d'armes & archers anciennement entretenus, & maintenant esclaues de leurs creanciers, le peuple lamente les charges qu'on trouuerra redoublées par vne quantité de commissions extraordinaires depuis la mort du' feu Roy: Il faut que tout tombe sur les pauures, pour les gages des riches: Les commissions & les Éditz qui auroient esté reuocquez ou surcis incontinent apres la mort du feu Roy, ont esté remis & augmétez: Les Princes & Officiers de la Couronne, aufquels le feu Royauoit toute fiance, ont esté essoignez, & maltraitez, l'on me rend presque par les discours qui courent, & tous les Princes & Officiers de la Courone qui me font l'honneur de conuenir auecmoy, enmesme aduis comme perturbateurs du repos public. On tient Conseil d'arrester des principaux Princes & Officiers de la Couronne

sonne, bien que sans crime, ce qui paroist auoir esté deliberé contre la personne de Monsieur de Bouillon , le refus faict à Monsieur de Longueuille d'aller exercer sa charge en son gouvernemer, monstre assez la continuation de leur violance, & ce qui a esté executé en la personne de Monsieur de Vendosme, lequel sans considerer ce qu'il est au Roy, l'amitié particuliere que le feu Roy luy portoit, non accuse innocent de tout crime, sans aucune forme de Iustice, sans aduis d'aucun grand de ce Royaume, on a retenu prisonnier: Ce qui est invsité en France, singulierement, durant la minorité du Roy, ce que nous croyons n'auoir esté faict par aucun mauuais naturel de vostre Majesté, ny desir de faire iniustice: c'est pourquoy, nous la supplions tres-humblement le vouloir faire deliurer, afin que continuat à bien seruir sa majesté & l'Estat, il luy monstre par bons effects, comme il a fait, iui. ques icy n'ausir eu iamais aucune mauuaise intention contre son service: On veut persuader à vostre majesté des'armer, on prend pour pretexte nostre absence

Considerez, madame, que nous procedons par tres-humbles requestes, supplications & remontrances, & non à main armée, & quelles maledictions la France donnera à ceux qui troublans le repos de c'est Estat & tranquilité, acquise par la vertu du desfunct Roy, mettront les premiers les armes à la main: Toute la France ne respire que la paix, & vne paisible & iuste reformatio de c'est Estat serail donc dict (madame) que les mauuais Conseils que l'on vous donne, vous portent à emprisonner

les presens & aarmer contre les absens, qui procurent vne si saincte refformation, & sont si fidelles seruiteurs du Roy, & de l'Estat, vous donnant par

ce moyen vn frample subject de gloire.

Conderez ma lettre (Madame) & vo'ny trouuerrez rien de nos interests particuliers, ny à nos intentions presentes ny a l'aduenir: vous ne pouuez trouver mauuais, si plusieurs vous supplient d'vne mesme chose, & rous la desirent: Obligez par leur deuoir, & par l'amitié qu'ils ont contractee par vostre commandement pour pour uoir à tous les ac-

cidens cy dessus representez.

Ie supplie tres-humblement vostre Mejesté, de l'aduis de plusieurs Princes, Ducs, Pairs Officiers de la Couronne, Cours Souueraines, Ecclesiastiques, & autres Seigneurs, tantpresens qu'absens qui ont veu & aprouué la presente supplicatio, d'accorder l'asséblee des Estats generaux libres & seurs dans trois mois au plus tard : & ce pendant retenir toutes les choses en estat paciffique, protestant de de nostre part, que nous n'auons desir que pour la conservation de la paix & bien de cet Estar, & que nous n'attenterons au contraire, si par vne precipitée resolution de nos ennemis, de ceux qui se couurent du manteau de l'Estat soubs vostre auctorité, nous ne sommes prouocqueza repousser leurs iniures faictes au Roy, & à l'estat, par vne naturelle, iuste & necessaire deffence.

Supplications tres humble, que ie seis en qualité de premier Prince du Sang, en l'Estat que ie suis, & fans armes, non ainsi que ceux qui pour profitter de telles assemblees se saississoyent des villes, armoyent

le peuple & les estrangers, faisoient guerre & paix à leur proffit pour vne lieutenance generalle, gouuernemet des Prouinces & des places, puis aydoient à éluder l'assemblee, sans se soucier de la publique reformation.

Nous supplions aussi tres humblemet vostre Maiesté suspendre l'execution du mariage rant du Roy, que de mesdames ses Sœurs, iusques à l'assemblee deldits EstatuEt pour monstrer que nostre particulier n'a nul pouuoir sur nous, Nous remettons au Roy, en l'assemblee desdits Estats libres & seur toutes nos pensions & gratifications si la necessité de ses affaires le requiert contre les calomnies de ceux qui nous accusent qu'il n'y alloit que de nostre particulier, que nous preferions au public, Medisance de ceux qu'on dit aymer mieux mettre le feu au milieu de ce Royaume, que voir leur authorité esteinte, Authorité pernicieuse qui sera renuersee par nostre iuste & bon Roy. Auquel nous supplionstres humblement vostre maiesté vouloir faire donner bonne instruction', & luy ofter les confeils de toute partialitez qui luy font donnez contre ceux qui ont l'honneur d'estre ses plus proches & ses plus fideles suiects & seruiteurs, & pour son cotentement r'appeller le Cheualier de Vandosme tenir pres sa Maiesté pour le soin de sa santé, personne vie, religion & probité requise & cogneuë.

Nous supplions aussi tres-humblement vostre Maiesté vouloir pouruoir aux Gouuerneurs des places frontieres des deniers suffisans pour vacquer à la conservation des places qu'ils ont en garde, Nous recognoissens nostre Roynous estre donnnée

de Dieu, nous scauons l'obevssance que nous luy deuons, & n'y manquerons d'vn seul point. Nous esperons aussi que tous les Princes Officiers de la Couronne, grands Cours souveraines, Ecclesiasticques & Seigneurs qui sont prests de vostre Maiesté se ioindront à mesme destr, & auront tous ensemble preparé à vostre maiesté, le chemin, l'honneur, & la gloire d'auoir restabli rous les ordres de ce Royaume en leur premiere splendeur &liberté, reformé ce Royaume & r'asseuré leur repos auec autant de los que si vous en auiezacquis vn autre; Respondans genereusement a ceux qui disent les Effats diminuer l'authorité du Roy? que vous l'aurez afermi & rédu perdurable, Nous vous voulons seruir & affister ausdits Estats ainsi qu'il sera recognu vtile au seruice du Royà la France, & a la conseruation de l'authorité Royalle, & de celle de vostre maiesté estans ses tres-humbles seruiteurs & en particulier ie la supplie tres-humblement de croire que ie suis, MADAME,

Vostre tres-humble & tres-obeys fant serviceur & subject Henry DE BOYRBON.

De Mesieres le 19. Feburier, 1614. Lettre de Monsieur le Prince , au Parlement de Paris, pre-Sentee par le sieur de Fiefbrum, le 22. Feurier 1614.

M Essieurs ie sçay que lon previendra mes iustes intentions de beaucoup de calomnies & faux bruits tous contraires (ie m'aseure)a l'opinion que vous en prendrez comme m'ayant aussi prattiqué & recongnu que craignant d'alterer quelque chosse parmes resolutions que iay eues au seruice du Roy & bien de l'estat, i'ay retenu mes iustes ressetimens & les ay comme enseuelis par ma patience: Mais encores vous en veux-ie mieux eclaircir, &redre come conte de mes actions, à vous di-je que ie recongnois estre la principale tutrice de c'est estat. C'est pour quoy ic vous enuoye la coppie de la lettre que i'escris à la Royne, par oui'expose entierement les sainctes affections quy mont meu à me retirer de la Cour pour ne communiquer aux abus qui si comette par ceux pui manient & dispossent des affaires du Roy & de l'estat, en demendant la reformatió auec tres-iuste supplicatio à la Royne luy en proposant le remede & requerant comme premier Prince du sang suiet du Roy, & qui à le principal interest au bien du service de sa Maieste.

N'aiant pour toutes armes que mes tres humbles prieres à sa Maieste, comme vous le verrez par la coppie que ie vous enuoye vous suppliant humblement. Messieurs de nous assister de vos conseils & authoritez en vne si louable & raisonable entreprise, comme les plus considerables au service du Roy & reformatio de l'Estat, Ce faisant vous vous acquiterez du deu de vos charges & acquerez gloire & reputation, demeurant Messieurs,

Vostre tres-humble & tres asectionné serusteur,

HENRY DE BOVRBON.

De mezieres ce 18 Feurier 1614.

LETTRE DE MONSIEVR DE

A LAROYNE.

ADAME.
I'ay desia done aduis á vostre Maiesté, dela rebellion qui auoit esté faicte contre l'authorité du Roy, par ceux de la Citadelle de cette ville: Maintenant ie luy donne celuy de l'obessiace que ie luy ay faict rêdre estans sortis, & me l'ayant remsse entre les mass: A la seureté de la quelle s'ay pour usu

pour y estre vostre Maiesté obeie, ainsi qu'elle le peut esperer de moy, estimant qu'elle mettra en cosideratio la desobeissace qui ma esté rendue par le Marquis de la Vieuille, éla charge qu'il à pleu au Roy me donner en ceste Prouince. Cest exemple pouuant tirer vne consequéce commune & generale à tous les Gouverneurs de ce Royaume. Ie supplie tres-humblement vostre Maiestė, Madame, en vouloir comader la Iustice telle que l'estimerez necessaire pour garder l'authorité du Roy, & en la quelle ie puisse trouuer le cotentemet que vostre Maiesté mesme iugera raisonnable. veu que ceste ville est soubs ma charge, & c moy qui réd mon resétimet d'autant plus cossiderable: Aquoyie suplie vostreMaieste d'auoir esgard, & de croire que ie suis.

Postrettes-humble & tres-obeisant seruiteur & Subiest.

NEVERS

Lettre de monsieur le Prince de conde à monsieur le Prince de Conty.

M Onsieur Iene sçaurois assez regretter que vostre sancté soit un iuste empeschement à ne vous voir selo vostre courage

affectione au seruice du Roy, par vostre Prince, à ce qui est de nos Scinzeres intentions, dont par l'éuoy de ce Gétil-homme & coppie de la lectre que iescris à la Royne Vous congnoistrez la verité. le vous supplie donc (comme estant du sang Royal) come proche du Roy, interressé à l'Estat, & mon seul onele secoder, ou vostre indisposition vous retient nos iustes dessains, tendant fans armes à la reformation de l'Estat. Surquoy l'o arme no pour sauuer l'Estat: Mais pour conserver l'ambition de ceux qui sont causes deses desordres. Aydez aussi, ie vous supplie par vostre courageuse intercession, à la deliurance de monsieur de Vendosme & a la correction des desordres, par vne assemblée d'Estar, que ie requiers à sa Maiesté Aquoy ie vous supplie vous ioindre, Vous suppliant me tenir à iamais,

Vostrebien humble Nepueu & seruiteur, HENRY DE BOVRBON.

with the state of

De Mezieres ce 18 . Feurier 1614.